

偶

齋

詩

草

偶齋詩草內集第七 以下社草

九九集 癸未

宗室寶廷竹坡著

九九集消寒社詩也余生四十五年矣三十前貧甚困於家事欲結社消寒未能也三十後已登仕籍漸與國事適海外事屢起朋儕或有以消寒社約者每弗暇應閒勉入社亦一二九輒輟未一終焉去歲罷官冬寒無所事同人復結社消寒每九分題賦詩今春九盡集而錄之得六十九首夫分題賦詩率少性靈本不足存然束髮爲詩三十

餘年屢欲結社消寒爲家事 國事所迫搃未能  
畢其願幸而去冬乃畢之且去冬越事正棘苟余  
非罷官亦豈暇賦詩則詩雖不足存又烏可不存  
哉存之蓋以識余之無事也光緒甲申清明後二  
日偶齋主人書於偶齋之南窓下

擬古

止止復止止與君忍別離相去尺有咫恍若天之涯道  
路邇且平瞻顏知幾時日近光易觀天高徑難躋相離  
日已久容色日已醜貧女乏良媒妍媸在人口思君不

敢見隱衷無自剖，室家幸常安。棄捐怨何有。

天天牆外桃淡淡，園中梅嘻嘻。堂上婦孃孃，臨鏡臺殿嚴宮樣。妝赫赫，金縷衣。昔爲倡家女，今爲貴人妻。倡家室已盡，舊事誰得知。

飄飄空中煙，泛泛水上漚。人生今世閒，慘如深獄囚。既知難久樂，何不暫忘憂。僥倖獲富貴，養處聊尊優。長安多顯貴，甲第連王侯。田園廣開闢，任蔭深貽謀。衣冠恣游宴，歌舞相酢酌。烽煙遠不見，安居無所愁。

今日良宴會，嘉賓滿茅屋。壺觴競勸酬，高吟勝絲竹。主

人發狂言長歌聊代哭一唱衆三歎題詩度新曲肉少  
食難足官冷家難富酒熱氣易豪天寒首易縮

西南有高樓上與雙闕齊危檠標縱橫窗牖光琉璃中  
有高歌人節箴抑何奇非釋亦非道唄梵聞迷離邪聲  
散斜風散漫飛液池商音隱肅殺何事潛東來不憂歌  
者衆但願知音稀靈囿有白鶴驚起不安栖

涉海采芙蓉絕域饒異草采之遺中華衆口矜美好三  
苗徙蒲坂干羽慕聖道同居而異心安能共終老

新月耿微光北風鳴枯樹玉衡指季冬冉冉歲云暮嶺

梅開已滿陽春機，豫露羲輪行何遲。元冥駕猶駐，念我同寮友，分飛各得路。雲高阻倦翮，前後難相顧。豈不念夙好，人生各有遇。勛名亦天命，君子窮當固。

矯矯當風草，託生長白根。承恩叨奉帚，十載在君門。疾風驅落花，飄零難上枝。賤妾被斥逐，一去難再回。嗟彼自生竹，枝葉多傾欹。繁叢隱勁節，外視何由知。過時拚不采，豈同蘭蕙萎。風霜並雨露，一任天所施。

山中有奇草，九節揚光輝。倚石摘其茸，將以獻所思。芬芳益神智，達竅增靈奇。此物何足重，讀書當及時。

搖搖輔居左爛爛弼列右密密羅紫垣森森近北斗終  
歲不離躔無聲暗相偶欂櫨起南箕隔漢芒如帚深深  
隱垣中默默無休咎

汎彼中河舟河水何瀏瀏逝者忘晝夜東流歸海口一  
來卽過去現在何處有羲和不解勞叱馭終歲走天地  
有混沌何物能長久金鑠石亦泐銘誌爭不朽榮名縱  
萬年難垂混沌後

西城高且長峩峩臨水涯時雨一滋潤桃林燦蒸霞苦  
寒方幾日韶華如此賒及時當行樂窮阨何須嗟吳越

多佳人長幼同如花束妝慕雅淡錦繡何屑誇酒酣歌  
一曲春風生琵琶珠明易顯類玉美難匿瑕砭砭屢拂  
拭善價增光華

驅車出南門道旁誰氏墳悲風空自來自楊聲不聞墳  
前樹如此何況墳內人長寐縱有寤骷髏難作言神仙  
終羽化西天亦涅槃方外尙爾爾安論聖與賢驪山袞  
成灰區區羨素紉美酒儲千斛無人澆陌阡

死者壙自富生者家自貧入城門一視甘族多饜人驕  
縱畏讀書傲情慵爲官田產鬻已盡第宅毀共分市旬



竈無煙紙錢誰暇焚珍奇不甘沒膏深氣燻雲

生年不滿百欲積千歲資黃金難買壽厚葬鬼不知人  
生用幾何金多無所需惜利不惜名商買非士夫而况  
利亦去守錢毋乃愚老不念子孫賢哉漢三疏

曜靈已南至晝短夜何長蟻鷄屢發聲帳幙臥寒牀故  
人隔天末分襟幾星霜稅駕眷顧我倒屣喜欲狂八關  
先導路和鸞鳴鏘鏘從者蔚如雲蓬華生輝光狐貉襲  
重裘恍惚薄羅裳話舊未移晷氣候殊炎涼驚醒自太  
息悄然增感傷寄言幽谷鳥求友及春陽

仲冬嚴凝極風雪胡迷漫晝短覺憂多時過重回難自  
午踈烏暖日未踈烏寒客從高處來遺我二詩篇前篇  
勸解憂後篇戒慎言豈不願自遊感時心難安散木免  
斧斤無用羞延年

客從異域來遺我一鏡面貧賤已經年故人交未斷光  
輝比滿月精華經百鍊人物一當前毫髮湛能辨置之  
空堂中客至皆可見

寒日何淡淡照我窮巷門晝短寂無事朝夕對酒樽家  
居雖云樂歲月不待人男兒重報稱豈意建功勛毛髮

亦一體疏戚何所分  
逐夫綠牆外  
呖空思舊恩

春日閒居

用杜工部春日江村韻

獨立空搔首  
窮居感慨深  
戰和疑國是  
治亂惑天心  
寒重春難見  
身閒病易尋  
越裳兵事亟  
前歲空而吟

夏日閒居

海嶠烽煙息  
京華物候新  
餘生幾長至  
大地一閒身  
勵志期來世  
憂時羨古人  
憑誰旋運會  
遭際艱艱屯

蒲扇

本來稱隱客  
應在水雲間  
得用尚純素  
違時等草萊  
蕭

冀難妄擬蚊蚋昔曾捐要識邪能辟秋涼莫漫拋

葛衫

朝衫久不著瀟灑一身輕敢望服無斃深慚題有名  
綸原本色寒暑亦恒情已過炎炎候狐裘莫與爭

夏日卽事

永晝窮居常閉門孤臣心事向誰論惜名恥受時人薦  
悔罪難酬昔日恩衣食無憑賴朋友安攘有志望兒  
孫酒酣荒徑閒翹首樹色蔥蘢隔 禁垣

賦閒有趣衆難知補過從來在退思風可祛炎休太急

雨能救旱不妨遲途窮始識無名樂官罷何殊未仕時  
高臥北窗忘酷暑吟詩排悶嬾敲推

同社中諸君子淨業湖酒樓賞荷兼懷舊遊分得

今字韻

醉倒浙江潯隨風歸故林三年真似夢一臥到如今花  
小已結子雲殘難作霖湖樓又晴景難得酒重斟  
花中有君子相遇北湖潯清露點何日淤泥染到今未  
開風已撼欲出水偏深留待聽秋雨將枯尚有音

蜉蝣

蜉蝣知命薄苟活遑他顧此身卽難久何用多遠慮狂  
風忽吹來飄颻不容住未是已瀕危安敢望至暮微生  
本須與偷安尙無處羨彼卷蠆蜂口蜜藏高樹

西瓜

哈密貢久絕重來又幾年豈惟貴中土異國亦垂涎

古風

眾星爭一天陵犯無定時眾國爭一地侵奪無窮期緬  
想三代上邳洎同熙熙究其聲教暨幅員亦有涯秦漢  
漸擴充版圖日已恢互市遍梯航至今包靡遺朝會統

大地交運將宏開待看臻大同上邁農與義會當夷變  
夏詎至夏變夷

大風捲海水四起撼大地神州如彈丸搖蕩欲淪潰鯨  
鯢入門遊水衡醉方睡魚蛤欣拾取亂爭誇小利杞憂  
空自傷愚忱歎精衛不行思乘桴春秋猶治世

斗牛介析木一水連銀潢紫垣尊北極咫尺堪相望羣  
星互拱衛大小爭輝煌勾陳張神威豈復憂天狼欃槍  
何處來妖氛千丈長錯行記前度內犯森有芒天船詎  
深恃橫漢難周防將星勞鄭重中道備非常

小遊仙

南山對局決低昂彷彿人閒小戰場珍重開枰先着子  
輸贏錢要上天償

歲暮懷人 八首

北風吹雪凍雲垂歲暮燕京感別離正憶故人貧太守  
頻年同作消寒詩窮拚遠宦仍多病老倖重逢賸幾時  
但得今生續酬唱歸期十載敢嫌遲

志白石太守曾  
定十年之約

莊泉廬墓幾經春血滿麻衣泣路人豈願有名稱孝子  
可憐無福作忠臣三年水旱同枯骨四海仇讐盡比鄰



差幸時平兵漸弭窮途得保此閒身

夏靈峯戎政時方廬墓

漠漠同雲接海隅故人不見思模糊廿年詎忍交真絕

三載何緣書竟無□□□□□□□□□□□□□□□□

幾回欲縱飛奴去又恐風霜阻半途

陳伯潛學士

雪凍空山雲不飛秦關蜀棧行人稀無田養老生難返

有子奔喪死倖歸風逼病軀歛瘦馬霜黏淚血疊征衣

遷延未得臨歧別臥病城陰掩破扉

靈介眉先生時淹  
柩四川哲嗣子美

奔喪  
未歸

著書未竟死憂早濟世無才身願閒疾病漸多驚老近

流亡倖免愧時艱  
天連關樹雲千里  
日落邊城雪萬山  
曳杖出郊西北望  
荷戈戍客鬢應斑

戍樓轉眴又韶光  
指日金雞下朔方  
有命或能重報

國無家何望  
早還鄉頭顱幸保人  
仍詛著作雖成自善

藏一樣身名皆敗裂  
羨君未老力猶強

張幼樵副憲時聞在戍所方註

管子

雪滿西山春欲到  
安排簑笠任游觀  
風和南嶺花齊放  
簇擁旌旄那暇看  
當世毀譽原恍惚  
人生窮達盡艱難  
杞憂豈不懷  
同抱祇爲閒居少  
自寬

張香濤制軍

憶從倖捷南宮後一去蕭齋竟絕蹤十五年來真契濶  
七千里外忽相逢君因親老遊難遠我爲身閒意更慵  
猶記殘冬江口別片帆東下暮煙濃

吳泉麓茂才

擬陶靖節乞食

一身乞食易一家乞食難嗷嗷廿餘口朝夕無饔飧  
交半絕跡新知誰與歡途窮友生仗所幸尙有人歲時  
輒相助不待我叩門反不敢求乞無厭求應難冥報恐  
無憑作鬼難酬恩祝君常富貴助我至蓋棺年年憂無  
食今年冬更貧珠玉兩空無債積重貲難友朋歲相助

顏叔恥求干通家有厚我事急姑一言言出復愧悔煩  
瀆近盡懽書來竟不辱慷慨荷手援一笑呼兒至毋復  
憂晚餐努力夜讀書身貴好報恩勿效陶靖節冥報徒  
逛人

銀魚

銀鱗分貴種遊戲偶魚服天然清潔質濁流那得辱漁  
船工掩取數罟術何毒拚當供鼎俎安能活溝瀆莫嗤  
太骨鯁堅白本無肉橫逆休怨人皎皎觸衆目羨彼金  
花魚盂水養自足

速發帑

速發帑帑金一銖民一命早發五日死有贖遲發十日  
民死罄速發帑發何時 國發速官發遲上天三日雨  
民田得幾許

莫養豬

莫養豬養豬奪人粥花豬腹中脂餓殍身上肉奪人飼  
畜人不足畜肥人瘠人羨畜吁嗟養豬心胡毒

綠陰曲

銅街迤邐連紅牆隔牆襍樹隨高岡瓊樓百尺隱蒼翠

空中時有荷花香綺窗四面濃陰護瑶梯斜倚林深處  
十年蟾鑲繡生苔枯柳曾霑舊雨露崔嵬闔闔凌空起  
翹首林端杳千里綠雲遮斷九重闕記得當年原尺咫  
羲輪當頭如月圓樹根幽咽藏寒蟬煙迷葉暗照難到  
幾時弱翼飛沖天

擬太白江夏行原韻

自矜絕世姿主人常護持嬌憨忘禮數過後空悲思莫  
怨嫁商賈誰識貴妾苦得意草成花失意粉如土去年  
還神州屏居關綺樓銀河天上水不向人間流只謂暫

阻隔孰知春復秋雖非江夏遠咫尺悠悠紅桃綠柳  
當春發白蓼蒼葭茂秋月雨多荆棘亦增高不信葵花  
枯欲絕昨聞遼東婦琵琶又過船歌舞雖云慣已非十  
五年一樣爲小妻胡我獨慘悽知君怒未已強笑聊代  
啼蕩婦輕薄兒萍水易唱隨與君恩義重緣盡當乖離  
妾顏異舊君能記妾心如舊君不知

行路難

奉君湛盧之寶劍刺彪截鱗之利矛躡筋翎根之牢甲  
狻猊金鳳之岑牟勸君裁憂且減懼聽我行路之清謳

不見澶淵北門外宋家舊壘今尙留

西海之水東海流西水勁欺東水柔日南九真交阯盡  
涇汨狂瀾四散直欲搖神州巨鼇力怯甘垂頭三山壓  
頂隨沈浮有鳥精衛弱且駭銜石以填矜良謀勸君有  
石勿虛擲石落水漲無時休

盤古闢天地十二萬年終劫灰興亡亦有數安能坐受  
外人欺奮身思上天雲梯隔斷斷歌路難匣中劍鏽不能  
拔低首忍淚空長歎

拔劍欲前行風波障空心膽驚轉首欲卻步泥淖千里



歸無路進亦難退亦難跋胡復蹙尾中心搖搖如旌懸  
世閒大事決宜早發遲患大速患小

閩江西北來孤城低壓江之隈蜃樓崢嶸對城起中有  
越王垂釣之古臺大舟百丈雙輪飛飛來任所往隨意  
飛復回云是此中從古有天險海門咫尺關常開

嬌兒恃母愛放佚受責始知戒美妾怙夫寵驕恣被逐  
方知恐光陰迅轉眼及時猶或晚日已過午難再返月  
已過望難復滿花已過春難重開時已過夏難長暖哀  
哉行路難千古豈獨鮑明遠

有所思

有所思乃在青天上天高不可登翹首空想像夙昔曾  
登之今日難復登聊爾遠望之遠望之望君君不知從  
今以後弗敢妄思亦復弗敢望君縱可見浮雲將蔽之  
妃呼豨天開月明知何時此身不泯終望之古樂府已失傳不能  
盡解學詩者但當學其神味不必擬其形相然擬古一  
派其來已久筆墨游戲亦未必不可爲既曰擬則不可  
不似茲做填詞之例字句摹倣之而用意則不敢蹈襲  
蓋詞亦後世樂府詞旣有定式樂府或亦有定式也雖  
不免優孟衣冠然較之襲其意而不蹈其形者或尙勝之

中元有感

亂離消息聽難真把酒中元氣不伸大海秋風添戰鬼  
空庭荒草賸閒身生猶無用何論死物盡堪哀豈獨人  
忍看荷燈臨水放馬江迴首徧青燐

祥都護歌

百勝不死非勇將弗經刀劍豈強項馬革猶嫌裹有尸  
忠魂祇合招空葬翰臣都護何昂藏攻克戰勝威聲揚  
生從折衝死從祀忠勇報國依賢王蕭家河畔荒林  
下窮寇窮追忘衆寡鞞刀抽出踏重圍擊賊興酣羞上  
馬丈夫死耳何足悲哀榮兼擅感鴻施可惜將星隕

太早不留橫海截鯨鯢征南將士若雲屯矢死圖功應  
有人幸值兵銷烽撤速免教戰骨委邊塵

三冬詠

偶齋冬日襟花盡謝書廚外惟殘菊數盆  
蕉一本夾竹桃一株菊蕉皆雅物桃則俗  
卉然得配此君亦  
幸矣作三冬詠

冬菊

歲寒三友天嫌少壽客忘年不知老癯仙直作後生看  
秋容晚節何足道老圃荒涼閱歷深栽培虛負主人心  
自詡傲霜真有骨一寒至此已難禁

魯仲連

吁嗟仲連疇與比亦豪杰亦高士不肯帝强秦願蹈東  
海死當時秦强僅在陸戰血無由染海水若使仲連生  
今時不蹈東海蹈西海

信陵君

吁嗟信陵亦丈夫世人不知或疑爲酒色之徒一戰敗  
秦保趙都再戰敗秦魏患紓惜哉未三戰避位淫佚戕  
厥軀吁嗟信陵眞丈夫世人不能知或謂其爲酒色之  
徒

蘭相如

趙王瑟秦王乍澠池一會傳不朽趙王壁秦王城古今  
嘖嘖稱盛名不讓秦王讓廉頗欲消外侮先內和朋黨  
難除國如之何

唐睢

布衣怒大王懼五步丹九州素一人挺劍起陛下長跽  
恭無禮暴秦帶甲數百萬難取安陵五十里國無大小  
在有人國有人無強鄰

蘇秦

連橫易約縱難縱常合六國安六國禦一秦猶復難久

存六秦謀一國暫息更難得縱橫人雖妾婦道辨才有  
用亦云好吁嗟乎如斯妾婦世亦少

### 失巢燕

失巢燕失巢已三年雙飛雖云樂埜宿饑餓亦可憐豈  
不念舊主珍珠簾垂路中阻堂高望主主不知有懷欲  
訴不敢語失巢燕巢失幸有子他年羽豐重入簾爲主  
銜泥補故壘

### 擬張茂先勵志

聖清建國諸王策封維我鄭藩分疎功崇武烈旣振乃

嗚儒風華國榮家科疊第重其嗟家不幸生不肖子志

荒心高習結名士家學弗守重情輕禮詩酒猖狂忘懷

進仕

其二

親老無養仕原爲貧志隨遇改思爲名臣報稱

無具徒託空言口舌得官早笑古人其三直則叢怨慙則

召忌幸值 聖明曲從寬貸一朝酒狂竟萌故態蛾眉

斧性名裂身敗其四大風吹海浪吞羣島扶輿四蝕九州

縮小魍魎陸行舒壘餓殍窮居閉門忽焉將老其五病驥

哀嘶厭看芻豆飢鷹鏃羽怯聞雞鬪莫耶斷柄難決犬

脰白圭陷淖非玷亦垢其六死將至矣老何暇傷死前日



短死後日長君子所疾沒世不名窮愁著書聊效虞卿

其七壯志空存身同溝瘠心血餘幾留之何益入土作腊

徒枯可惜吐爲文章墨痕化碧其八天生我才差異庸人

窮達有命天豈徒然達不負天窮不負天富貴立功貧

賤立言其九

### 和東坡饋歲別歲守歲

別人多生離別歲盡死別一去不復返從此兩決絕與  
歲一回別我齒亦增一贏得別幾回垂髫已白髮白髮  
別舊歲飲食亦悽切待至明歲暮再別恐未必歲星迴

在天皎皎輝明滅照見別歲人低垂不忍沒

感懷

羲和竭馬力能縱不能操一逸永無止駐足無夕朝改  
歲倏六月夏盡秋將交四序已過二極盛當漸凋閒居  
悶無作隱憂懷難銷感時夜多夢寤逸寐轉勞起來望  
太虛始信天誠高欲言人誰聽還坐讀離騷

偷常鑄人固作鬼弗能開旁觀亦分內安忍不關懷代  
庖雖不可代憂誰禁之人禽同戴天天遠禽不知腥羶  
恣飲啄得意鳴且飛

既不能大智又不能大愚百年若夢寐萬事皆函胡浮  
生良可哀人物原無殊類此一靈性與物聊別區爲此  
遂多憂常樂物不如幸哉能解飲暫且求胡塗

既不能分憂又不能獨樂飢食困卽眠日夜靡可作躬  
耕無田疇歸隱無林壑閒居三四年閉戶在城郭鴻雁  
矜高飛每笑燕巢幕病鴻弗如燕無幕安所託

諸將

海外孤懸已可危况饒地寶久潛窺幸教曹昧軍終勝  
尙惜劉錡到少遲小捷難憑防大舉巖疆易困要援師

當年節度傳姚滿轉餉籌兵賴主持

謂姚啟聖  
滿保二督

血溢濤頭漲海門七艘頃刻一無存孤軍苦鬪胡傷敗  
戰骨同灰幸有魂疆吏防疎官詎贖書生膽壯罪堪原  
民心士氣相關大賞罰嚴明信格言

自古兵情由不虞兩軍齊入不愁孤久持援集攻難克  
屢勝心驕備必無速取紅河收故地卽令黑闥作前驅  
用長棄短方良策莫但爭雄向舳艫

文武參商奈寇何籌邊樓勢柱嵯峨大臣豈忍私銜怨  
老將應羞附議和北闕分封高爵顯南京掃穴舊功

多尤原若得難兄起益壯當同馬伏波

熱血橫流海嶠紅乘時報國快愚衷常羞勁旅投閒

地不幸將軍得考終戰豈圖功心在孝死非殺敵志原

忠何須大節推公義祇論私交亦可風

謂吳小軒軍門小軒夙有志禦

外侮不死必建大功惜哉

西風吹雨洗螯弧上相臨戎到海隅共道是翁真夔鑠

誰云小事已胡塗十年破虜留邊塞幾日調元坐帝

都歎息人生易衰老當年才說九州無

胡文忠公曾謂左季翁橫覽七

十九州才無出其右者

秋陰不霽悶甚獨酌醉後偶書呈諸詩人

秋陰如愁人昏昏醒若睡  
室暗疑有烟空濛含雨氣平  
時愛閒居久閒思有事無  
聊強吟詩成篇少真意憂來  
欲清談閉門無客至呼兒  
取酒杯不如仍求醉

酒入愁更增萬感紛齊來  
回首卅四年往事同搜懷遇  
人少平恕處已多謬乖壯心  
饒妄想十願八九違豈無  
快心事究非心所期妄想未  
已壯歲倏已衰歎息復  
歎息人生能幾時固知樂須  
早爭奈非人爲幼學如目前  
忽已強仕時當仕適罷官甫  
強身漸衰報國慚無

能傳家幸有兒病多催老近未死先見幾婚宦人生重  
箕裘在留貽生產縱無有弱冠未聘妻窮途誤少年興  
廢難豫知生人各有命過慮母乃癡

酒少增牢愁酒多生豪氣有國不能憂何暇憂家事  
衆夷歆一夏四海浸危地動靜禍機伏戰和皆匪易

聖君尙幼冲良將半衰邁成敗賴人謀安可委天意俗  
學誤良資閒情墮壯志休戚枉相關無才甘廢棄陰雨

易成夕閉戶姑沈醉明朝會閉晴寫憂出郊外

此課題有感遇

醉後成此本擬卽以感遇標題恐人斥其不似陳格  
其實感遇原無定格也錄出附之帙末老圃自記

春感用杜秦州禱詩韻

閉戶栖京國窮居難遠遊乾坤容醉臥夷夏入聞愁凱  
奏知何日兵連自去秋陽春驚又至禍患歎稽留

閒身甘暴棄苦樂孰能知老近偏憐女官休厚望兒寇  
氛何倏忽家事任差池無計消春感聊憑筆一枝



偶齋詩草內集第八

鏡鸞集 乙丑

宗室寶廷竹坡著

雜詩三十首

雜詩三十首感非一事作非一時大抵情不自  
禁有觸而發也春日偶讀前人無題詩不覺技  
癢爰擇舊作之稍可者依韻編成三十首複者  
刪之闕者補之藉以言志亦猶前人之意也

畫闌西畔曲廊東錦片良緣轉眴空金屋春深魂不到  
銀河水滿路難通柳因送別全銷翠豆爲相思半減紅

一種癡情千種恨離愁無計託飛鴻

三更銀漏五更鐘魂夢依稀見玉容竹葉隨風難自主  
桃花逐浪已無蹤素衣未染絲如故綠醕初嘗味倍濃  
彈指春華忽歸去柳陰何日再相逢

繾綣春愁未肯降空將心事訴銀缸蟾輝皎皎當三五  
鴛譜匆匆訂一雙入海已深珠莫采拔山無力鼎難扛  
武陵回首煙波暮不許漁人泛釣艫

閒愁閒事惹相思夢覺南柯苦自知少女無情風不起  
素娥有恨月常虧合歡豈是人閒樹連理空存死後枝

萬點飛花天際舞尋芳詞客太狂癡

瑣窗無縫漏朱暉珍重韶光閉繡幃漢苑春深鶯漸老  
秦樓月落鳳孤飛亭邊有柳知誰折陌上花開竟不歸  
萬斛窮愁十年別夢魂空憶舊腰圍

多情博得淚沾裾心自纏綿分自疏舉案那能希德曜  
鼓琴誰肯愛相如既然入穴應擒虎底事臨淵只羨魚  
我欲登山效劉阮幾番著屐又躊躇

秋風無賴撼庭梧暫入華胥頃刻蘇縱使取青堪如白  
緣何看碧反成朱同心自古難爲結如意而今不是珠

隔雨紅樓相望處  
愁雲恨霧兩模糊

誰教波浪起深閨  
素手生寒不可攜  
只謂此心同日月  
豈知對面隔雲泥  
鏡中雜舞形原幻  
杯裏蛇藏影自迷  
幸有東風能解凍  
依然千頃碧琉璃

好夢蹉跎久不諧  
長年應守太常齋  
鼠姑聊比佳人色  
貝母難開女子懷  
賈氏香多休誤贈  
楚王璧美豈終埋  
游絲飄蕩留難住  
羞對瑤函玉鳳釵

溫存冷落兩難猜  
一縷柔情去復來  
有酒惟應澆趙土  
無簫且莫上嬴臺  
金鑪香燼煙空散  
玉瑄灰凝律不回

幾度自憐還自恨終朝對鏡獨徘徊

冰炭姻緣劇惱人風光慘淡不成春鶯嬌幾見終歸鄭  
獅吼何曾獨禍陳枉自看花來北里誰言撲棗任西鄰  
情絲欲斬渾難斬寸寸柔腸似轉輪

紅愁翠恨太紛紛比翼偷翔詎忍分夢裏留香懷武帝  
曲中傳恨憶文君幾時密愛深如水一旦歡情薄似雲  
昂首天台猶在望淒涼舊話不堪聞

冷雨淒風慘故園鴛幃愁緒向誰論三春蝴蝶莊生夢  
一片桃花倩女魂墨海波寒冰易結博山灰死火難溫

青衫幾點明如雪猶是當初舊粉痕

千紅萬紫盡摧殘春夢驚回夜已闌  
甥館幾年歌跨鳳  
女牀轉眼悵離鸞  
瑤琴一曲鷓鴣絃  
冷銀燭三條蠟  
淚乾憔悴情癡荀奉倩  
熱心斗覺比冰寒

陽春不度玉門關  
隔斷紅塵咫尺閒  
中道忍教身似扇  
他年應得指生環  
已登蓬島仍無水  
未入桃源錯認山  
情緒牽連如亂絮  
飄零虛擲好容顏

芙蓉褥外象牀邊  
難忘星辰昨夜天  
花近已無三尺隔  
月明猶少二分圓  
江淹有恨同堪賦  
宋玉多才只自憐

一夕孤衾和淚臥模糊了却此生緣

瓊樓百尺望迢迢仙境茫茫隔碧霄  
杜子緣慳惟賸夢沈郎瘦盡欲無腰  
半叢秋影留黃菊萬疊春心剝綠蕉  
人靜月明鴛枕冷淚珠隨血汗鮫綃

雙雙小燕各分巢國入烏衣未忍拋  
舊物至今留鳳履新歡無處續鸞膠  
三生緣結枇杷下一縷情牽豆蔻梢  
滿地殘花風月冷魚鰓自此莫輕敲

休將紅淚染青袍玉冷香寒氣不豪  
恨水從來如海濶盟山虛說比天高  
半林柳色憐蘇小十樣華箋憶薛濤

片刻揚州留幻相傷春無計解牢騷

山北山南徧網羅春情消盡別情多翠翹忍負丁娘意  
金縷愁聞子夜歌榆莢錢乾難再數菱花鏡破尙堪磨  
玉輪縱有團圓日只恐青陽瞥眼過

難辨非耶與是耶紅牆半角卽天涯良緣竟締河東柳  
好事都成塞北花底甚僵桃翻代李何因彩鳳竟隨鴉  
風懷縱寫三千首難挽當時一念差

鳳泊鸞飄各一方驪歌驚斷九迴腸青衫自洒丁年淚  
紅袖難添乙夜香枉向花前懷謝女誰從柳下泣蕭郎



彩雲散盡琉璃碎舊恨綿綿別樣長

綠繞紅纏認不清穿花小蝶怕逢鶯負心難踐終身約  
鬢臂空存舊日盟廁裏紫姑占恍惚門前烏舅記分明  
離懷更比春懷酷魂斷檐牙夜雨聲

隔牆環佩響東丁楊柳無心眼不青鸞鏡斗然成半月  
鵲橋那肯渡雙星船乘上水誰堪挽酒醉中山豈易醒  
卻怪滿園好韶景主人不繫護花鈴

纔看爲谷倏爲陵密誓幽期詎可憑忽忽幾成遷木鳥  
營營偏聽止樊蠅風人枉自歌青佩月老無端吝赤繩

十二瑤臺春爛漫到頭未識許誰登

一度相看一度愁春風秋月枉綢繆從無竹箭成連理  
可許桐花放并頭元稹幾曾真薄倖崔鶯何故太嬌羞  
滿江波浪深難測不到隄邊莫繫舟

水絃不似舊時音錯認臨邛遽撫琴夜雨有情團柳絮  
東風無力轉花心析薪畢竟虛持斧引線如何未到鍼  
飄蕩孤鸞天外立半生贏得一青衿

雲中遙指好峯二強欲尋幽自覺慚梅蕊信遲憐嶺北  
杏花香早羨江南八行書寄新來雁萬縷絲抽未死蠶

且莫臨流怯風浪明珠原在蚌中含

新愁兩點上眉尖病似爐香細細添別緒滌澗悲祖帳  
春心隱約透丁簾燈前蛾死膏猶熱檐下蜂藏蜜自甜  
借問鄰家老松柏濃陰何必隔銀蟾

美人名士總塵凡蔓草扶蘇擬盡芟殘局何勞分黑白  
太羹原不著酸鹹藍橋路險漿休覓碧海波深石莫銜  
從此玉溪投筆起漫將鄭衛混韶咸

詠懷集 戊辰

詠懷七古

大清策勛封諸王赫赫鄭邸威名揚文功武烈耀史冊  
祖宗累代流芬芳越我曾祖少司馬 陪都著績安邊

疆士民感戴頌廣佛神燈仙蜨徵嘉祥

予曾祖爲盛京兵部侍郎性仁

慈人稱廣佛爲主政時夜行署中有神燈前導吏胥咸見之爲寺卿寺有蜨仙之任時蜨仙集冠人以爲德所感

我祖早逝志未展我父繼嗣傳書香

予父本四房出繼長房 秋

科春第捷聯報玉堂金馬承恩光維道光廿載歲居子  
與庚東皇行孟春旣望予始生父母喜聰穎援古加嘉  
名曰寶賢希之用以傳家聲是時字內當承平九州清  
晏無甲兵時和歲稔兆民樂朝野到處財豐盈家門清

泰足衣食老弱懼笑同康亨官清爵要譽名播  
隆恩渥眷驚公卿賓客車馬日絡繹樓臺屋宇脩崢嶸娛朝  
樂夕度年月終歲那得愁懷縈禍福誰知不可測否生  
由來從泰極七齡我妣忽見拋搶地呼天攀不得災殃  
疾病亂家庭我父明年亦罷職棄家買田入深山宦室  
一朝成野客膏粱交繡盡成空手把鋤犁覓衣食  
宣宗升遐 文宗興四海從此紛兵爭粵西小醜揭竿起  
妖氛轉眴迷金陵楚南楚北早蹂躪山左山右同掀騰  
將軍戰死大帥沒寇鋒剽疾誰能攫揜苗回幅助凶醜

蝟毛紛起連塹紘江淮河漢盡殘破高衡岱華齊摧崩  
烽煙紛飛大地熱血光噴薄青天腥良將報恩死行陣  
忠臣守土忘空城戕家破里任殘虐縱橫遍地屠生靈  
軍門一死柱石倒洪楊得意逾橫行勇驕兵怯互爭利  
將奸士巧徒希榮勞師糜餉日延宕十年攻戰功難成  
若非貞臣秉旄鉞煙塵直欲來神京國運歎如此家  
運可知矣年零月落墜難起八口飢劬共轉徙幸得江  
山半壁堅一戰畿南寇氛弭無端水國起風波大亂重  
逢嗟奈何三山五嶺戰聲急狂瀾四溢飛干戈砲火燒

空赤滄海輪船割浪屠江河高舟巨艦排嵯峨花旗彩  
幟周紛羅飛廉海若不敢阻水搏火激飛如梭節度生  
擒大將死吳山越水力兵多海沽大戰敵軍進三叉河  
口兵船過幸賴孤軍未深入議成上海盟先和桓桓僧  
忠藩築壘防津門鷹揚振威武勁旅如雲屯登臺血戰  
樹洪烈兵威遠振安乾坤豈知謀洩大事壞海口一敗  
摧三軍援稀地近敵兵速燕都市月生塵氛六龍匆  
遽出關去傷心萬乘蒙邊塵王侯登城効守禦銀刀鐵  
甲排重闔黃塵迷漫走官吏紫陌歷亂逃軍民西郊一

炬驚燎原百年勝迹同遭焚玉泉萬壽共兵燹火光飄  
忽漫香山戰鼓喧風鳳闕裂旌旂攬霧龍樓翻蓬島峯  
摧彩雲迸瑤池波沸蟠桃温仙宮神境化煙霧白日恍  
惚成黃昏山焦水涸天地覆哭聲一片連幽燕侍郎矯  
矯表貞節九淵深邃埋忠魂金輿一去難重回飄零誰  
復王孫哀東奔西走足難任父子躑躅荒城隈風餐雨  
食面若土野眠寺宿身如柴隸呵卒罵弗敢輟垢冠泥  
履隨輿僮無衣無食強偷活心寒意冷朱顏摧 國憂  
家恨兩糾結終朝飲泣愴中懷賴有和盟息爭戰幸免



溝壑顛尸骸我皇嗣位天運開中興諸將呈英材十  
年積寇一旦滅廓清九有驅狼豺廟謨相畧運神算  
洗兵雲漢揚天威文和武睦建大業掃平宇宙勞驅馳  
令公有謀具將畧臨淮善戰標雄才老彭碩望耀日月  
太冲壯志凌風雷三四豪傑爲時出和衷共濟扶鴻基  
惜哉賢王抱志歿豐功駿烈中途乖太平有象聖恩  
溥重登衽席消凶災國難幸少止家難慨難已飢寒  
困苦日侵陵愁緒紛紜亂如螳肉嫌骨隙結心肝媾恨  
婚仇陷肌髓牢愁固結漆膠堅覩面偷生甘卑鄙隱憂

割腹慘刀劍恨不當年亂軍死養身養志并懷慚掩面  
高堂羞作子秋風得意枉登科未顯微榮總增恥沈淪  
九載困迷津屏氣低頭守鄉里祖功宗德不終湮粗才  
竟得收春官文章濫竽獲青眼瓊林亦許登寒酸柴門  
金帖耀光彩居然展足升木天高科巍第亦悠悠風塵  
幸免人譏彈撫今思昔動悲感權娛更覺心難安憶昔  
髫齡初學時我妣撫育無時離添衣減衣費慮出入  
護惜如嬰兒妣亡隨父讀書史教訓撫養常兼施亂  
離相從二十載窮途飄泊頻遑隨伶仃孤苦父與子到

處甘苦同嘗之今年僥倖得登第老親白髮雙垂垂驅  
車展墓報往事冥冥果否能直知黃封紫誥本虛話九  
泉誰見生光輝翹首桑榆喜復懼顯揚有道吾何遲况  
我家貧力難盡清温甘旨恆多虧死母生父兩難報榮  
名膺仕將何爲報親未能知報 主朝廷廩糈慚虛糜  
聖躬冲齡國多難委身獻納情胡辭才疎學淺缺經  
濟問心何以扶昌期文章報國亦堪笑素餐尸位徒招  
譏吁嗟乎人生當自勵莫隨流俗移隨分宜自盡爵位  
何尊卑上酬 天恩答食踐下承先德光門楣幽報慈

母慰泉壤明養老父安期頤立功立名表天壤抗懷往  
哲追遺徽功成挂冠入山去歸田重著新萊衣志高命  
薄恐難副狂言徒取時人嗤家貧位賤願莫遂茅廬抱  
膝空歔歔人生忠孝總難盡咏懷聊爾成茲詩作時不  
覺數年

後再看妹嫌尤弱然不忽棄擬再刪  
改以成完璧第恐才力終不勝也

冬興集

癸未

冬興十首

并序

杜子美秋興八首久脛炙人口雖頗有議之者  
然瑕不掩瑜其佳處固不僅在字句閒也但好

之者推許又未免太過蓋釋評論亦未免太密  
或近穿鑿附會此所以招人吹求也余夙好詩  
近年因時事艱難才力復短絀鞅掌簿書遂少  
吟詠今年罷官閒居無所事輒以詩消遣之夜  
長更寂寞難自娛偶憶秋興詩醉後興來因成  
冬興十首大致以子美原詩爲師而弗斤斤摹  
擬蓋杜詩既難摹擬而平生於杜詩又少揣摩  
且學古亦但當學其神理法律不必倣其聲調  
字句如小兒學語幼學摹字也昔人論白香山

學杜不襲其兒而得其神譏後世學杜者無病而呻余固不敢望如香山之遺兒取神而藉古人體格寫自己胸臆無病之譏或可倖免易八爲十者亦以避摹擬惡習耳若必以聲調字句相繩則無病而呻諸學杜之詩具在請置此而觀之

水盡巖枯天地空蕭條晏序威將終西山日色空峯雪  
北海冰翻萬里風放眼乾坤欲治亂回頭生世感窮通

謀身計拙邊論

國壯志聊中一醉中

病弱愁深夜怯眠驚看氛侵十<sub>二</sub>懸五更霜氣白成霧  
萬丈海光紅上天閩嶠微聞烙作塔津沽但詔鐵爲船  
閒居何事多憂甚講武防邊已有年

昆明休說漢時功玉宇<sub>覆</sub>樓一炬中兩岸沙<sub>白</sub> 高<sub>直</sub>白  
半湖冰閃夕陽紅金牛有淚垂寒冰石像無言泣故宮  
翹首南交倍惆悵來年又是再星終

見說南方苦構兵漫云蠻觸自相爭口口據險猶鏖戰  
口口偷生已受盟元菟漸看成兩屬中山差幸有真名  
屏藩四顧仍存幾飽食安居愧 聖明

憶昔曾陪柱史班，鳴珂五夜叩天關。  
寒星萬點明池水，曉日三峯上苑山。  
抗疏幾年隨鷺序，承恩四度對龍顏。  
蓬廬風雪寒宵永，夢繞觚稜迥莫攀。

曾助勾陳察禁兵，微垣宿衛夜巡行。  
杖邊有影霜鋪地，鈴柝無聲月滿城。  
誰道羽林皆健卒，徒聞渤海又連營。  
滄波冰冷蛟龍蛰，風鶴今年暫免驚。

四方水患慨頻仍，河決隆冬更可矜。  
餓殍枕堪憐，凍溜潛蛟鼓浪裂。  
堅冰同懷饑渴漸，非分久免啼號恐。  
未能賴有濁醪消積鬱，舊遊重念戶增。



閩疆形勝飽遊觀越俎憂符筆氣官一海東南分次島  
萬山西北走危灘籌邊有險分防易謀 國無人拒敵  
難傳說臺澎曾偪處赤嵌城公至今完

越水吳山古蹟存當時曾記走輶軒六朝下底

八月秋濤上海門仕隱卅年辜壯心舊新兩代負深

恩文章華國承平事醉臥寒牀倦細論

津門萬里望交州南北船飛一水流地遠何勞仙客縮  
天高不覺杞人憂妻孥凍餒猶難保中外安危敢易謀  
酒醉詩成慵欲寐朔風打樹月如鉤

男

富壽

富壽

謹

編

積

財

椿

壽

四

校

達

聰

達

壽